



Na osnovu člana 22 Statuta Brčko distrikta BiH («Službeni glasnik Brčko distrikta BiH» broj 3/07), člana 32 Zakona o prostornom uređenju Brčko distrikta BiH («Službeni glasnik Brčko distrikta BiH» brojevi: 9/03, 23/03, 15/04 i 10/06), člana 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03), i Prijedloga odluke gradonačelnika broj: 01-014-017686/07 od 10. oktobra 2007. godine, Skupština Brčko distrikta BiH, na 56. redovnoj sjednici održanoj 23. oktobra 2007. godine donosi

ODLUKU
O PRISTUPANJU IZRADI IZMJENA I DOPUNA DIJELA REGULACIONOG PLANA
«KLANAC» U BRČKO DISTRIKTU BOSNE I HERCEGOVINE

Član 1

Pristupa se izradi izmjena i dopuna dijela Regulacionog plana «Klanac» u Brčko distriktu Bosne i Hercegovine, (u daljnjem tekstu: Regulacionog plana), u skladu s namjenom površina iz Izmjena i dopuna Urbanističkog plana grada Brčko (II) – planski period 2007 – 2017. godina.

Član 2

Izrada izmjena i dopuna dijela Regulacionog plana radit će se za dio naselja koji je Urbanističkim planom grada Brčko utvrđen za poslovno stambenu zonu. Granice obuhvata Regulacionog plana, odnosno mikrolokacije za koju se predlažu izmjene Regulacionog plana su definisane u Grafičkom prilogu, broj: 06-364-003201/07 od 20. 9. 2007. godine, koji čini sastavni dio ove odluke.

Član 3

Obuhvat predmetnog Regulacionog plana zahvata površinu od 2,8 hektara.

Član 4

Regulacioni plan se donosi za vremenski period od 10 godina.

Član 5

Sredstva za izradu izmjena i dopuna Regulacionog plana «Klanac» obezbijedit će se iz sredstava Budžeta Brčko distrikta BiH predviđenih za te namjene.

Član 6

Nosilac priprema Regulacionog plana je Odjeljenje za prostorno planiranje i imovinskopravne poslove Vlade Brčko distrikta Bosne i Hercegovine.

Nosilac izrade Regulacionog plana je ovlaštena projektna organizacija, registrovana za izradu prostorno-planske dokumentacije, a odabrana prema zakonskoj proceduri.

Član 7

Odjeljenje za prostorno planiranje i imovinskopravne poslove Vlade Brčko distrikta Bosne i Hercegovine dužno je, u toku izrade Regulacionog plana, obezbijediti saradnju i usaglašavanje stavova sa svim zainteresovanim subjektima, u skladu sa zakonskim propisima.

Član 8

Regulacioni plan će se u svemu raditi prema Zakonu o prostornom uređenju Brčko distrikta Bosne i Hercegovine («Službeni glasnik Brčko distrikta Bosne i Hercegovine», brojevi: 9/03,23/03,15/04 i 19/07) i Uputstvu o obaveznoj jedinstvenoj metodologiji za pripremu i izradu regulacionih planova i urbanističkih projekata («Službeni glasnik SRBiH», broj: 37/87).

Član 9

Postupak izrade, usaglašavanje i donošenje plana sprovest će se u skladu s odredbama Zakona o prostornom uređenju Brčko distrikta Bosne i Hercegovine («Službeni glasnik Brčko distrikta BiH», brojevi: 9/03, 23/03, 15/04 i 19/07) .

Član 10

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-127/07

Brčko, 23. oktobra 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.